

凡例

一、谱法莫善于欧苏欧谱世系图自一世至百世可系而昭穆井然不紊苏谱上自高曾祖父下至子孙曾玄可次而长幼秩然有序故近日修谱者遵二家多兼用之今我族五修族谱自受姓始祖以至各始迁祖用苏式自各始迁祖以后用欧式由一世至五世爲一图再提六世至十世二为图推之三四五六等图亦如之自上而下直书父子自右而左横书兄弟丝联绳贯一循永叔之法

二、修谱所以联宗族我杨氏星罗棋布派别支分举以受姓祖杼公为始祖分者合之固得谱法但丁数既多五世则父子远隔不相联贯难以披寻故今各房世系俱分图合之既共为一谱分之又各自爲谱较便观览而于谱亦未为失

三、古之作谱者书字从间具系迹而已生年十无一二欧苏谱可征下至明中叶犹然世之蔽者乃曰以嫡相承而仍其阙非谱也于是以远末裔孙为数百年祖先虚置诞节忌辰月而日之是作僞也原谱则无此弊故明以前列祖多未书生歿者今仍之若近代之人其本末昭然可考者亦不容过略故书行书名书字书号书爵书生年死书某时歿幼死者书殇无嗣者书止葬址相连者夫妇书合葬兄弟书并葬卑傍尊者之坟书附葬书葬处地名山向其葬在别邑者则书葬某县在本邑则否惟始迁之祖

书葬某邑以明迁移所自始

四、书前朝祖先殁俱载明朝代本朝人则必标出公元字至人名字号有犯祖先之讳者旁支姑从宽嫡派必避之若本支内名字或有重复殁者仍之生者易之年长者仍之幼者易之有爵者仍之无爵者易之旁注原名某以备查考

五、有爵者官名用大书字号用小注未成名者派行用大书小注止书字而不书号今世俗亦有书号者仍不尽拘配用大书殁葬则皆小注复注子女几人其现在生育者不注多寡女未嫁者书名既嫁者书适某再适者止书前夫姓名若受聘而未嫁者书字某婿之贵显者并书其官爵纪外戚重名器也

六、妻有原继嫡庶未娶书聘已娶书配继室女者书继配非室女则书续娶妾书侧室中有异母兄弟则书某子某氏出至排行则以年之长幼爲序盖庶民之家妻分大小子无嫡庶也或有既聘之妻未娶而卒则书初聘某氏以别于既娶者若出妇嫁妇无子者不书有子则于某氏下夫在而出者注出字夫亡而嫁者注再樵字盖有子不可以无母也而生殁葬所则仍削之

七、谱法重继绝不论应继爱继与歿后立继者俱于本生父名下书子某出继兄弟某继父名下书子某入继兄弟某第几子凡承继必辨其昭穆相当不得贪产争继挟嫌阻继如委系承继无人亦可权爲

双祧至抚养异姓及娶妇带来子女者旧谱均不书今因政府婚姻法和计划生育条例系治国基本国策法令森严势在必行任何人不得阻挠并执行晚婚晚育男到女家女到男家听其双方自愿一对夫妻一个孩男

一个样 不容许超生和早生否则将受到政治上经济上的各种处罚所以乃有终年无子者多有招赘或抚养异姓者或入继外甥外孙者我族内亦有之故此次修谱姑从权变不忍视其无后也有女无子且尚未婚配者其 长女与子同等看待列于同派行列之中

八、独子双祧者大宗兼小宗生歿年月注本生名下照例本生父母丁忧三年于兼承宗祧父母降服期年小宗兼大宗生歿年月注大宗名下照例丁忧三年本生降服期年小宗兼小宗生歿年月注本生名下照例丁忧三年于兼承宗祧父母降服期年期内不准应试出仕其平日应试报捐三代仍填本生父母

九、族内子孙有随母嫁去致冒他姓者或出继他姓为人后者或入赘他姓者仍书本生父母下示归宗据也有迁徙他处不知所往者书外出冀其或来归也有定在者则书迁居某省某县俾子孙可以追溯本原也剃度者不书自绝于祖宗也先世被斥子孙能改过者录之开自新之路也

十、双生子书学生免同年日時怀疑也

十一、卒而无子者于者名下注止字以杜妄冒若旧谱未止者今虽子孙莫考正恐寄寓他乡何忍令其失原则亦如纪录不得漫书止字至于殤丁有上殤中殤下殤无服之殤不等长子虽殤次子仍书次明有兄也长殤当生子之期必书止字若中下无服之殤亦不必书止字也

十二、族内有全忠孝大节与志洁行芳好善乐施者及妇人之贞烈节孝者皆据实详书以为后人劝惟现在之人不书其德行以盖棺方能定论也

十三、记传论赞及寿序寿说皆表扬善行之作择其辞旨雅驯不为虚誉者登载以示风历至文辞浮浅褒美失实者则不书也